

西南史地文獻

第五卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第五卷

甘肅省古籍文獻整理編譯中心
中國西南文獻叢書編輯委員會
編

本輯主編：周 斌

本卷目錄

滇繫 一 [清] 師 範 撰 〇〇二

本卷目錄

滇繫	
一	
〔清〕師範撰	
.....	
〇〇三	

【清】師範撰

滇

繫

一

邊。

〔清〕師範撰，清光緒十三年雲南通志局刻本，半葉九行，行二十四字，四周雙邊。

師範（公元一七五一至一八一一年），字端人，雲南大理州彌渡縣人，清乾隆三十九年（公元一七七四年）中舉，五十二年（公元一七八七年）任劍川學博。嘉慶二年（公元一七九七年）以軍功保授望江知縣。是書共分十二系（類），全面詳盡載述清嘉慶以前雲南的疆域、職官、事略、賦產、山川、人物、典故、藝文、土司、屬類、旅途、雜載等。

滇繫序

漢地里志益州刺史統郡
八而益州郡為古滇王國
即今雲南地漢武帝元封
二年始開郡治則在滇池

滇繫費序

一

後漢永平二年又分置永
昌郡於不韋蜀漢改益州
曰建甯郡別治味縣而更
置雲南郡於滇池興古郡
於宛溫晉以甯州刺史統

四郡則隱然為一州之地

與今雲南省無異顧其地
有石門瀾滄之險其人皆
哀牢斯榆之遺憑阻易動
故晉以後疊為南詔大理

滇繫費序

二

所據不入版圖蓋古時滇
雖一隅必待天下久治而
始得得而易失又如此甚
矣撫循之難也我

國家聲靈震懾緬甸南掌無

不賓服猓獯獯等諸編
祇雲南久與內地無二而
碧雞金馬靈秀特鍾其間
績學能文之士相繼輩出
均足以發山水之清華操

滇繫費序

三

觚爭勝是其涵濡

聖化於一百六十餘年之久者
深且厚矣夫叅古今之權
宜審邊隅之形勢徵文攷
獻首在方志余兩任滇藩

兼署撫篆曾念通志年久
缺脩擬欲踵而葺之旋以
奉

命撫蘇不獲如願中恒歎然今
趙州師荔扉明府出宰望

滇繫費序

四

江政事之暇編爲滇繫一
書郵寄京師請序於余余
公餘繙閱竊喜是書綱舉
目張簡而得要其首志疆
域辨職官非若廣志南中

志之僅誇方物也其次列典故徵藝文非若點書閩小紀之不加區別也以繫命名彙冊四十持論確而取義精雲南通志迄今雖

滇繫費序

五

未增脩而得是編以補多年之闕略洵足備參稽而垂久遠倘官斯土者曰是編而續纂志乘聿觀厥成於以宣揚

聖天子之威德俾滇中士農工商莫不漸摩于禮義振興於文教太和翔洽邊界敷甯則是編之所繫甚大豈僅有裨於滇而已哉荔扉

滇繫費序

六

個儻淹雅前以孝廉任學博為余所薦剡忝有一日之知及宰望江又隸所屬克著循聲故樂為序之時嘉慶十三年歲次戊辰三

月上澣

賜進士出身經筵講官太子

少保體仁閣大學士前吏

部尚書兩江總督加三級錢

唐費瀉拜謨



滇繫費序

七

四



滇繫序

方志為史家之一體非具
史才者為之不能善也昔
司馬子長以父子繼為史
官而成太史公書然其後

滇繫姚序

一

四

班彪即仕為縣長令而首
為漢書世推良史何嘗以
其職哉自是之後居史職
者往往屬諸下車不落之
才而具史才者不得居其

職是亦多矣雲南入中國
最晚古事闕軼

國家定天下幾二百年文治
遠被邊陲雲南之文獻彬彬
出焉然不得生其土地

滇繫姚序

二

具史才者論定之猶患不
能善也大理趙州師君天
下才也工詩文明吏事仕
為望江知縣合生平聞見
蒐輯雲南事類成滇繫一

書揆論古今之是非綜核
形勢之利病兼采文物博
攷故實此史氏一家之美
而君以吏治餘力成之豈
非其才之過人而庶幾於

滇繫姚序

三

舛皮之事者哉吾始識君
於懷甯後屢相接對見其
人愷弟忠信篤於友誼愛
士殷，出於至誠真世之
君子亦非獨才智之美也

今以事過吾舍出此書見
示余既取其人又樂其脩
西南一方之事成外史一
家之言因書為序云

嘉慶戊辰冬桐城姚鼐揆

滇繫姚序

四

十

時年七十有八



滇繫序

滇繫一書為補雲南通志而作也述雲南地理
者仿于常璩南中志而廣志蓋州記等繼之山
則上應井絡水則下導岷江凡李膺之所記桑
欽鄭道元之所述無不畢詳鹽利被于西南五
金之多至衣被天下其所產之地所出之山則
班固司馬彪王隱沈約杜佑李吉甫等又一一

滇繫 洪序

七

著之他若經學則權輿于尹珍文章則濬源于
司馬相如吏治則王遜帝延壽所張弛武功則
張喬諸葛亮所勘定是滇雖一隅其所繫于天
下如一身之有肩背一家之有庫藏相輔而行
缺一不可也同歲生師君荔扉以名儒出宰望
江克著政聲暇則銳意鉛槧其書之傳誦海內
者已數十種今復成此考古証今由近溯遠其

陳列利弊搜羅隱顯三邊之累畫甘郡之形勝以迄居中馭外之規自上達下之勢言言可垂之久遠事事與見之施行非生長其地熟其山川井邑而又通達世務周知治術者能若是乎昔揚子雲之記蜀事常述之述關中與君此書而三矣余昔視學黔中曾以事至雲南境恨其方志之蕪穢嘗願與當事共修之嗣以軍興不

滇繫

洪序

七

果讀君此書可謂先得我心矣抑余尤有進者滇銅滇鹽實為一方利害所在然鹽之害今已奏定歸民可以不煩更制惟銅之害其在官者州縣必實缺方運京銅往返率五六年攝缺者少亦四五輩夔門則有守候之虞江行則有沉溺之責津門則有剝運之苦交戶工二部則胥吏勒索百端不至罄其家不止甚至有戕其身

者已屢見奏牘害之在民者厥民皆游手厥本出庫已十去二三餘復供結納之資酬飲博之費迨至流亡死故責雖歸官而累仍在民欲除官之弊莫如接省遞運則費省而責分欲除民之弊莫如聽人開採而官僅設店按價購買則游民不至擅費帑項胥吏不至任意侵漁庶一方有限之資不至久久漸歸無著如是而官民

滇繫

洪序

三

之元氣始復邊境之蓄積始儲即有水旱甲兵而可以無意外之變要亦經理此方者所當豫為之計也敢目君言而推廣及之他日倘稽六詔之圖撰一方之志有非此書不可者則君與此書又當並垂不朽矣爰樂為序而行之上書房舊史陽湖洪亮吉譔

亮

序

蒙自尹紹裕書

滇繫自序

地有處一隅之僻似無與於天下之輕重而恒足以重輕乎天下者愚者易之知者審焉滇之視天下特身之一踝一拇耳筋骨堅定血脉貫輸則動止疾徐胥任其意之所使苟病於結患腫固非同心股肱胥脅之有關性命而七尺之軀難免殘廢此其輕重從可知矣夫滇胎於皇

滇繫自序

初萌折於三代立於秦安於漢蹢躅於魏晉南北朝間翔於唐而旋痺終痺於五季與宋蘇於元趨於明而極舞蹈之節於我

國家蓋

列聖之涵濡賢將相及督撫監司之按摩而扶掖者已屆百五十年閱壤土之綺錯則疆域所宜詳也感文武之星羅則職官所宜述也幸嵐瘴之全

消則事畧所宜攷也懼財力之告匱則賦產所

宜登也慨沅峙之爭雄則山川所宜紀也數衣冠之競爽則人物所宜書也列典故則治亂之循環可觀也編藝文則英哲之懷抱可揭也傳土司則推跣之強弱可稽也別屬夷則蠻焚之風俗可該也辨旅途則輿騎之往來可指也摠雜載則見聞之博洽可資也範不敏以案牘餘

滇繫自序

閒秘討冥搜成書四十冊有圖有表閒綴數語於篇末名之曰滇繫竊嘗念日月星辰繫於天鳥獸草木繫於地君臣父子夫婦昆弟朋友之倫繫於人耳目口鼻繫於面喜怒哀樂繫於情金石絲竹匏土草木繫於音以奕繫秋以九繫儻凡類此者其所繫殆無窮也書之繫滇亦猶是頃滇究屬西南之一隅石田鳥道歲入縣官

租不敵中州一巨郡況士無二酉之藏農無百晦之糞工無般倭之能賈無舟車之便所利惟厥與井而無藉之徒借以衣食者日不減二十萬口倘綜理失策輒竄據幽阻相煽構禍自

章皇帝驅盪偽孽

仁皇帝殲劉逢藩

憲皇帝滌烏蒙掃茶山

滇纂自序

純皇帝羈孟隕懷南掌約束維持之密典章法度之隆

小有弗恭立見漂滅匪獨軼元實跨明而過之

第其境西逼緬甸南連交趾北通蒙番僅憑東

面遠達

京師要在當事者飭紀綱除禁統以勤宣

德教且取賽典赤元咸陽王沐黔甯明昭靖王暨

昭代之蔡綏遠將軍毓榮王制軍石撫文范大司馬鄂承勳

相國楊名時高其偉尹繼善張東閣傅國忠勇阿相國美書麟之之遺績而重敷之走則為胥息則為踵而頭目肩背庶交恃以無恐矣然則斯繫也發纏綿之隱任杼軸之勞生滇者觀之當興經綸雷雨之思吏滇者觀之當深桑土綢繆之計遂為之捐廉付梓廣其傳布果於今

滇纂自序

天子宵盪綏遠阜物化民之政少有所裨則以滇為

股肱可也即以滇為肘腋亦可也滇之福何莫

非天下之福哉謹序

嘉慶丁卯立冬江南望江縣知縣臣師範謹撰



受業邵隆伯敬書